



20. oktober 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut:

Olie akitsornera sioqqullugu Sisimiuni innaallagissap akitsorujussuarnera aningaasangorlugu Sisimiormiunut ukiumut qanoq naleqarpa ?

Innaallagissap taamak annertutigisumik akitsornissaa sioqqullugu, innuttaasunut qanoq sunniuteqassanersoq nalilersoqqaarsimavisiuk?

Sisimiuni innaallagissap akiata taamak annertutigisumik (47%) qaffanneranut suna pissutanersoq Naalakkersuisut nassuiarsinnaavaat?

(Inatsisartunut ilaasortaqaq Malik Berthelsen, Siumut)

Tunnngavilersuutit:

Sisimiuni erngup nukinganik innallagissiorfittaarnermi kingorna sarfamik akiliutigisartagaat annertooujussuarmik (47%) akitsorpoq, soorunami sisimiormiunit tupaallaatigineqarlunilu tupigusuutigineqartumik. Tassami naatsorsuutigineqaraluarimat olie-mut aningaasartuutaasartut annertuumik sipaarutaasalernerat pissutigalugu akit qaffannatik appariartulerumaartut. Sisimiuni 2010-iginnarmi, tassa aprilimi nukissiorfiup atulerneraniit olie-mut aningaasartuutaasartut 24,4mio.kr.-inik sipaarutigineqarput. Tassa Olie-mik atuiunnaarnermi aningaasarpasuit sipaarutiginerisa qaavisigut suli aningaasarpasuarfik sisimiormiut aallerfigineqarput.

Immikkoortup 7-ip ulloq 21.september oqaluuserinerani Ineqarnermut Attaveqarnermullu Naalakkersuisup, Siumup oqaaseqartuanut oqaatigivaa, Sisimiuni innallagissap akitsorneranut ernianut aningaasartuutit nalikilliliinerillu pissutaasut, innersuussutigalugulu ulloq 2.september Malik Berthelsenip apeqqutaanut akissutini.

Naalakkersuisup allakkatigut akissutaa inersuarmilu oqaasii imminnut ataqatigiinngitsut matumani maluginiarparput.

Tassami 2.september allakkunnut akissutinni allapputit, ernianut aningaasartuutit illoqarfinni nunaqarfinnilu atuisunit taamanit agguarneqartartut nalikillilinerillu atasinnaassuseq tunnngavigalugu turbininut generatorinullu ukiunut 35-inut aaliangerneqartartut.

Aningaasanummi Inatsimmi konto 73.94.04-imi takuneqarsinnaavoq nukissiorfiliornermi aningaasartuutit erniai ilanngullugit ukiuni 20-ini Nunatta karsianut taarsersorneqassasut.

Kisianni soorluuna Sisimiuni innaallagissiorfittaqaq piffissami sukkanerusumi sisimiormiunut akilersinniarneqartoq? Taamaattoqarsimappat suna tunnngaviua?